

2 L. Cornelio L. f. Scipio | aidiles, cosol, cesor.

Romae rep. una cum N. 1, nunc in museo Vaticano lapis litteris miniatis, non incisus (I 31. VI 1286; Ritschl tab. XXXVIII d).

3 Honc oino ploirume cosentiont¹ R[omai²]
duonoro optumo fuise viro³,
Luciom Scipione. Filios⁴ Barbati,
consol, censor, aidilis hic fuet a[*pud vos*].
5 Hec cepit Corsica Aleriaque urbe⁵,
dedet Tempestatebus aide mereto⁶

Romae rep. eodem loco quo N. 2, sed multo ante (anno 1644), nunc in aedibus Barberinorum, tabula ex lapide Albano (I 32. VI 1287; Ritschl tab. XXXVIII). — *Carmen ita scriptum est ut singuli versus Saturnii etiam in lapide singulos occupent versus. Numeros constituere conati sunt Ritschl mus. Rhen. 9 p. 6 seq. = opusc. 4 p. 213 seq., Buecheler ind. schol. Bonn. 1876 aest. p. 6, Woelfflin revue de phil. 1890 p. 115. — L. Cornelius L. Barbati f. Scipio consul a. 495 Corsicam cepit Alerianque diruit, de Sardis Corsis Poenis triumphavit (Zonar. 8, 11; Flor. 1, 18, 16; fast. Capit. triumph., al., cf. Mo. C. I p. 18), censor fuit a. 496 (fast. Cap.). — 1) Similiter 'unum hunc plurimae consentiunt gentes populi primarium fuisse virum' habebat carmen incisum in sepulcro A. Atilii Calatini consulis a. 496. 500 (Cic. Cat. mai. 17, 61 cf. de fin. 2, 33, 116). — 2) Romani vel Romane suppleverunt Grotefendius et Mommsenus, Romae vel Romai Sirmondus et Ritschelius. — 3) Post viro supplevit viro Ritschelius (praecunte Grotefendio) metri causa, sed refragante lapide, qui spatium vacuum illo loco praebet; versum ita ut traditus est tuentur Buecheler et Woelfflin. — 4) filiom flagitat Woelfflin, iungens cum eis quae praecedunt — 5) pugnandod addidit Ritschl opusc. 4 p. 213, clasid Buecheler, qui versum etiam sine additamento defendi posse putat (ita etiam Woelfflin p. 115). — 6) Versum ita ut traditus est tuetur Woelfflin, mereto lubenter Grotefend, meretod votam Ritschl opusc. 4 p. 217. Aedem Tempestatium a Scipione votam memorat etiam Ovid. fast. 6, 193.*

4 Qui apice insigne Dial[is fl]aminis gesistei, |
mors perfe[cit] tua ut essent omnia | brevia,
honos fama virtusque | gloria atque ingenium,
quibus sei | in longa licu[re]set tibe utier vita |,
5 facile facteis superases gloriam | maiorum.
quare lubens te in gremiu, | Scipio, recip[er]it
terra, Publi, | prognatum Publio, Corneli.

Romae rep. una cum N. 1, tabulae quae olim effecerunt frontem sarcophagi, nunc in museo Vaticano (I 33. VI 1288; Ritschl tab. XXXIX f). — *De carmine egit Buecheler ind. schol. Bonn. 1876 aest. p. 8. — P. Cornelius P. f. Scipio, flamen Dialis, iuvenis defunctus, alibi non memoratur (a nonnullis putatur esse filium Africani maioris memoratus a Cic. Cato mai. 11, 33, de off. 1, 35, 121, Brut. 19, 77 Vell. 1, 10).*

5 L. Corneli. L. f. P. [n.] | Scipio, quaist., | tr. mil., annos | gnatus
XXXIII | mortuos. Pater | regem Antioco | subegit.

Romae rep. in sepulcro Scipionum, tabula ex sarcophago topiaceo (I 33)